



NAQQIUT

Siunnersuut 19. august 2022-imeersoq taarserpaa
(Siunnersuuteqartoq allanngorpoq, taassuma saniatigut allamik allanngortitsisoqanngilaq)

03. november 2022

UKA2022/64

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Naalackersuisut ukioq 2023-imut qilalukkanik qaqortanik 15-inik aqutsiveqarfimmut Tasiilamut pisasseeqqullugit peqquneqarnissaannik Inatsisartut aalajangiiffigisassaattut siunnersuut.
(Siumup Inatsisartunut ilaasortaataitai)

Tunngavilersuut:

Kalaallit piniartutut aammalu innuttaasut ukiumut qilalukkanik qullersaniit pisassinneqarnermikkut neqissaqarniarneq, mattaateqarnissamut pilinissamullu taamaalillutik isumannaarilluartarput. Kiisalu aamma tuniniaasinnaanissaminnut aningaasanillu isaatitsinissaminnik sineriannut periarfissinneqartarput.

Kisannili ukiuni arlalinngortuni Kalaallit Nunatta ilaani tunumi taasartagatsinni qilalukkanik qaqortanik pisassaqaanngittuaannarnikuvoq. Pisassaqaannginnermi peqqutaatinneqartarpoq qilalukkat qaqortat tunumi ikittuinnaat takuneqartarmata. Tamannalu peqqutaqaataalluni inatsisitigut pisassiisoqartanngitsoq qangarsuaaniilli ilisimaarivarput.

Taamaattumik pisortatigoortumik naluneqarpoq Ittoqqortoormiut avannaarsua nuna imartarlu eqqissisimatitaq sunik miluumasunik uumasoaqarnersoq. Uani aamma qilalukkat qaqortat taamatoqqissaaq pineqarput.

Taamaammat tunumi qilalukkanik qaqortanik pisassiisoqartalernissaanik 15-nik siunnersuutinni periarfissinneqarnissaannik amerlassuteqartikkusuppara.

Eqqaamassavarput Tasiilap eqqaa tuttoqanngilaq, umimmaqanngilaq, savaqaanngilaq kiisalu ukaleqaanngilaq tikaagulliullu neqaa anninneqaqqusaanngilaq avammut. Taamaammat tunumiut kitaanitulli uumasunik tamakkuninnga piniarnissaminnik pisaqarnissaminnillu periarfissaqaanngimmata.

Neriuppunga Inatsisartut siunnersuut tapersesorumaaraat.

Pisortanut aningaasatigut allaffissornikkullu kingunerisassat:

Ukiup affaanik sulisitsineq, kr. 250.000 missaani.

Namminersorluni inuussutissarsiuteqarnermut aningaasatigut allaffissornikkullu kingunerisassat:

Soqanngilaq

Innuttaasunut aningaasatigut allaffissornikkullu kingunerisassat:



Soqanngilaq